

საარჩევნო კამპანიის ფინანსური საკითხები დამოუკიდებელი კანდიდატებისათვის

ადგილობრივი თვითმმართველობის არჩევნები 2017

✦ ამომრჩეველთა საინიციატივო ჯგუფი უფლებამოსილია:

ა) დააფუძნოს არასამეწარმეო (არაკომერციული) იურიდიული პირი, რომლის საბანკო ანგარიში გამოყენებული იქნება საარჩევნო კამპანიის ფონდის ანგარიშად, ან ბ) გახსნას საბანკო ანგარიში კანდიდატის სახელზე, რომელიც გამოყენებული იქნება საარჩევნო კამპანიის ფონდის ანგარიშად;

- ✦ საარჩევნო სუბიექტისთვის სავალდებულოა საარჩევნო კამპანიის ფონდის გახსნა რეგისტრაციიდან **5 სამუშაო დღის ვადაში**;
- ✦ საარჩევნო სუბიექტი ვალდებულია სახელმწიფო აუდიტის სამსახურს ანგარიშის გახსნიდან **დაუყოვნებლივ** წარუდგინოს ინფორმაცია (რეკვიზიტები) საარჩევნო კამპანიის ფონდის საბანკო ანგარიშის შესახებ, საიდანაც მოხდება საარჩევნო კამპანიის დაფინანსება.
- ✦ საარჩევნო სუბიექტი ვალდებულია **რეგისტრაციის მომენტიდან 3 კვირაში ერთხელ, [დადგენილი ფორმების მიხედვით](#)** გამოაქვეყნოს ინფორმაცია შემოწირულების წყაროს, ოდენობისა და მიღების თარიღის მითითებით.
- ✦ საარჩევნო სუბიექტი ვალდებულია საფინანსო-ეკონომიკურ საქმიანობასთან დაკავშირებული ანგარიშსწორება განახორციელოს მხოლოდ **უნაღდო ანგარიშსწორების** წესით. ანგარიშსწორების ეს წესი არ ვრცელდება პარტიასთან/საარჩევნო სუბიექტთან შრომით ურთიერთობაში მყოფ პირებზე შესაბამისი ანაზღაურების (ხელფასი, პრემია, სამივლინებო თანხები) გაცემაზე, აგრეთვე თუ მიღებული საქონლის ან/და გაწეული მომსახურების საერთო ღირებულება ერთი უწყვეტი კალენდარული თვის მანძილზე არ აღემატება 1,000 ლარს.
- ✦ შემოწირულების მიღების, ასევე საწევრო შენატანის განხორციელების შესახებ ინფორმაცია, პარტიამ **5 სამუშაო დღის ვადაში** უნდა წარუდგინოს სახელმწიფო აუდიტის სამსახურს.
- ✦ ფულადი/არაფულადი შემოწირულების განხორციელებისას პირმა უნდა მიუთითოს სახელი, გვარი და პირადი ნომერი.
- ✦ მოქალაქისაგან შემოწირულობების სახით ფულადი სახსრები მიიღება მხოლოდ **უნაღდო ანგარიშსწორებით**.
- ✦ საჯარო ღონისძიებების მეშვეობით მიღებული შემოწირულობების ოდენობა **არ უნდა** აღემატებოდეს 30000 ლარს წელიწადში. თითოეული მოქალაქისაგან მიღებული შემოწირულობების საერთო ოდენობა წელიწადში **არ უნდა** აღემატებოდეს 60000 ლარს, ხოლო თითოეული იურიდიული პირისაგან მიღებული შემოწირულობების საერთო ოდენობა წელიწადში **არ უნდა** აღემატებოდეს 120000 ლარს.

დამოუკიდებელი კანდიდატების შესახებ ხშირად დასმული კითხვები იხილეთ [აქ](#).

საქართველოს ახალგაზრდა იურისტთა ასოციაცია გამოთქვამს მზადყოფნას, იურიდიული დახმარება გაუწიოს ადგილობრივი თვითმმართველობის არჩევნებში მონაწილე დამოუკიდებელ კანდიდატებს.